



Broj/: **01/3-50-1-3-40/09**

Sarajevo, 28. decembar 2009. godine

Z A P I S N I K

**40. sjednice Komisije za vanjsku trgovinu i carine Predstavničkog doma
Parlamentarne skupštine BiH,
održane 28. decembra 2009. godine**

Sjednica je počela u 14 sati.

Sjednici je predsjedavao predsjedavajući Komisije Slavko Jovičić.

Sjednici su prisustvovali članovi Komisije: Mehmed Suljkanović, Željko Kuzmanović, Ljiljana Milašin i Ekrem Ajanović.

Opravdano su odsustvovali: Jerko Ivanković Lijanović, Šemsudim Mehmedović i Salko Sokolović.

Sjednici su prisustvovali: Milorad Zeković, direktor Uprave BiH za zaštitu zdravlja bilja, Snežana Akulović, savjetnik direktora Uprave BiH za zaštitu zdrtavlja bilja, Zehra Selimović, stručni savjetnik u MVTEOBiH, Senka Eminagić, predstavnik Svjetske banke, Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda PSBiH, Zoran Brkić, viši stručni saradnik u Sektoru za odnose s javnošću PSBiH, Emira Češljari, sekretar Komisije za vanjsku trgovinu i carine, stručni Radomir Marjanović, stručni savjetnik u Komisiji za vanjsku trgovinu i carine, i Sonja Abdulovski, saradnik u Komisiji za vanjsku trgovinu i carine.

Za sjednicu Komisije predložen je, uz dopunu tačke 4., i jednoglasno usvojen sljedeći

D N E V N I R E D

1. Usvajanje zapisnika 38. i 39. sjednice Komisije,
2. Razmatranje Prijedloga zakona o zaštiti novih sorti bilja u Bosni i Hercegovini, predlagač: Vijeće ministara BiH, u skladu s članom 104. Poslovnika Predstavničkog doma, radi dostavljanja Mišljenja predsjedavajućem Predstavničkog doma,
3. Razmatranje Prijedloga zakona o izmjenama i dopunama Zakona o politici direktnih stranih ulaganja u Bosni i Hercegovini, predlagač: Vijeće ministara BiH, u skladu s članom 104. Poslovnika Predstavničkog doma, radi dostavljanja Mišljenja predsjedavajućem Predstavničkog doma i
4. Tekuća pitanja.

Ad. 1. Usvajanje zapisnika 38. i 39. sjednice Komisije

Zapisnici 38. i 39. sjednice Komisije usvojeni su jednoglasno, bez primjedbi.

Ad.2. Razmatranje Prijedloga zakona o zaštiti novih sorti bilja u

Bosni i Hercegovini, predлагаč: Vijeće ministara BiH, u skladu s članom

104. Poslovnika Predstavničkog doma, radi dostavljanja

Mišljenja predsjedavajućem Predstavničkog doma

Uvodne napomene dao je predsjedavajući Komisije Slavko Jovičić. Rekao je da je Vijeće ministara BiH, 9.12.2009., Parlamentarnoj skupštini BiH uputilo Prijedlog zakona o zaštiti novih sorti bilja u Bosni i Hercegovini na razmatranje po osnovnom zakonodavnom postupku. Kolegij Doma je, u skladu s članom 101. stav (2) Poslovnika, odredio Komisiju za vanjsku trgovinu i carine kao nadležnu za razmatranje Prijedloga zakona.

Milorad Zeković, u ime predlagajućeg Zakona, rekao je da prema zahtjevima Svjetske trgovinske organizacije zaštita novih biljnih sorti predstavlja oblik zaštite intelektualnog vlasništva koji pripada njenim stvaraocima, ali se regulira i zaštita novih biljnih sorti.

Istakao je da je Prijedlog zakona uskladen s Međunarodnom konvencijom za zaštitu novih sorti bilja, Sporazumom o trgovinskim aspektima prava intelektualne svojine, Direktivom Evropskog parlamenta i Uredbom Vijeća o pravima sorti bilja u Evropskoj Zajednici. S obzirom na značaj Zakona, održana je i Javna rasprava kao dodatni oblik konsultacija apostrofirajući da je dosadašnji Zakon o zaštiti zdravlja biljaka koji je u primjeni od 2004. godine većim dijelom trebalo izmijeniti i dopuniti.

U raspravi su učestvovali: Ekrem Ajanović, Slavko Jovičić i Mehmed Suljkanović.

Nakon rasprave o predloženom tekstu Zakona, **Komisija je jednoglasno podržala principe predloženog zakona.**

U skladu s članom 104. Poslovnika Predstavničkog doma, Komisija će dostaviti mišljenje predsjedavajućem Predstavničkog doma.

Ad.3. Razmatranje Prijedloga zakona o izmjenama i dopunama Zakona o

politici direktnih stranih ulaganja u Bosni i Hercegovini, predlagajući:

Vijeće ministara BiH, u skladu s članom 104. Poslovnika Predstavničkog

doma radi dostavljanja Mišljenja predsjedavajućem Predstavničkog doma

Uvodne napomene dao je predsjedavajući Komisije Slavko Jovičić. Rekao je da je Vijeće ministara BiH, 9.12.2009., Parlamentarnoj skupštini BiH uputilo Prijedlog zakona o izmjenama i dopunama Zakona o politici direktnih stranih ulaganja u Bosni i Hercegovini na razmatranje po osnovnom zakonodavnom postupku.

Kolegij Doma je, u skladu s članom 101. stav (2) Poslovnika, odredio Komisiju za vanjsku trgovinu i carine kao nadležnu za razmatranje Prijedloga zakona.

Zehra Selimović, u ime predлагаča Zakona, naglasila je da Prijedlog zakona o izmjenama i dopunama Zakona o politici direktnih stranih ulaganja ima za cilj smanjenje administrativnih barijera u oblasti direktnih stranih ulaganja u BiH, te da pojednostavi kod suda proceduru registracije društava s elementom stranog ulaganja u BiH.

Ekrem Ajanović izrazio je nadu da će se predloženim zakonom postići cilj, te podržao Prijedlog zakona, što su učinili i ostali članovi Komisije.

Nakon rasprave, **Komisija je jednoglasno podržala principe predloženog zakona.**

U skladu s članom 104. Poslovnika Predstavničkog doma, Komisija će dostaviti mišljenje predsjedavajućem Predstavničkog doma.

Ad. 4. Tekuća pitanja

Emira Češljar informirala je prisutne o tome da amandmanska faza za podržane principe predloženih zakona traje do 9.1. 2010. te da će naredna sjednica Komisije biti održana u januaru, zavisno od datuma održavanja sjednice Predstavničkog doma.

Naglasila je također da će za ovu sjednicu biti pripremljen Izvještaj o radu Komisije i Orijentacioni radni plan Komisije za 2010. godinu.

Sjednica je završena u 14,30 sati.

Sekretar Komisije
Emira Češljar

Predsjedavajući Komisije
Slavko Jovičić